




**VIJEĆNIČKA PITANJA I INICIJATIVE**

Ime i prezime vijećnika:	Emir Bićo, vijećnik u Općinskom vijeću Stari Grad Sarajevo Politička partija: Narod i pravda
Tekst pitanja/inicijative	Podnosim inicijativu da se u najkraćem mogućem roku osmisli modalitet kojim će se vrata Općine Stari Grad ponovo otvoriti za građane i vijećnike.
Obrazloženje pitanja/inicijative:	Već nekoliko godina u Općini Stari Grad je na snazi zabrana ulaska građanima u zgradu Općine i općinske službe što je slučaj bez presedana. Molim da se osmisli modalitet kojim će građanima biti omogućen pristup općinskim službama u njihovom najboljem interesu vodeći računa da službe mogu neometano vršiti poslove iz svoje nadležnosti. Takođe molim da se Općinskim vijećnicima omogući nesmetan pristup službama u skladu sa pravima i obavezama vijećnika propisanim službenim legitimacijama.
Odgovor:	U skladu sa saopštenjem koje je dana 07.07.2023. godine objavljeno na službenoj web stranici Općine Stari Grad Sarajevo, počev od 10.07.2023. godine, stranke se više neće, kao do sada, primati samo u određenim terminima i u prostoriji za prijem stranaka u prizemlju Objekta A, nego u kancelarijama službi u kojima se rješavaju njihovi predmeti. U skladu sa Pravilnikom o kućnom redu u administrativnoj zgradi Općine Stari Grad Sarajevo, kao i u drugim prostorijama u kojima se odvija službena djelatnost Općine Stari Grad Sarajevo, prijem stranaka odvijat će se svakim radnim danom od 09 – 11,00 sati, uz prijavu na recepciji i dodjelu propusnica, a nakon predocjenja identifikacionog dokumenta. Takođe, u skladu sa Odlukom o vijećničkoj legitimaciji ("Službene novine Kantona Sarajevo, broj: 2/13) i Kodeksom etičkih principa za izabrane zvaničnike u Općini Stari Grad Sarajevo ("Službene novine Kantona Sarajevo", broj: 41/17), od navedenog datuma, Općinski načelnik, odnosno službe za upravu, ponovo se stavljaju na raspolaganje Općinskim vijećnicima, a kao što je Smajić Mirsada, po ovlaštenju datom Rješenjem Općinskog vijeća Stari Grad Sarajevo, ovlaštena za vršenje poslova iz nadležnosti Općinskog načelnika Općine Stari Grad Sarajevo, predhodno i najavila.
Odgovor dala:	Služba kabineta Općinskog načelnika Općine Stari Grad Sarajevo 

Stručna obrada:

Služba kabineta Općinskog načelnika Općine Stari Grad Sarajevo

Sarajevo, 13.07.2023. godine

